

Tiranë më: 18.01.2024

STATUTI

I

SHOQËRISË ME PËRGJEGJËSI TË KUFIZUAR “ICA Studio” Sh.p.k.

KREU I HYRJE

Neni 1

Shoqëria me përgjegjësi të kufizuar “ICA Studio” Sh.p.k. është themeluar nga ortakët:

1. Idela Çela, i datëlindjes 03.08.1989, lindur në Kosovë, person madhor, me zotësi të plotë juridike për të vepruar, identifikuar me Nr. Personal **ID I90803122A**, dhe numër letërnjoftimi **BE7146360**.

Themeluesi, i cili është madhor, me zotësi të plotë juridike për të vepruar, në përputhje me ligjin hartoi edhe statutin e Shoqërisë si më poshtë:

KREU II PERKUFIZIME

Neni 2 Emërtimi i shoqërisë

Emërtimi i Shoqërisë është **“ICA Studio” Sh.p.k.**

Neni 3

Asambleja e ortakëve ka vendosur miratimin e statutit të shoqërisë në bazë të legjislacionit në fuqi të Republikës së Shqipërisë, veçanërisht sipas ligjit nr. 9901, datë 14.04.2008, “Për Tregtarët dhe Shoqëritë Tregtare” të ndryshuar, dhe si person juridik, e zhvillon aktivitetin në përputhje me këtë legjislacion dhe me normat e këtij statuti. Ky statut hyn në fuqi pas regjistrimit në Qendrën Kombëtare të Regjistrimit. Gjithashtu shoqëria e bazon aktivitetin e saj ne ligjin nr. 9121, date 28.7.2003 “Për Mbrojtjen e Konkurrencës” të ndryshuar, në Kodin Civil dhe Kodin e Punës si dhe në ligje të tjera në Republikën e Shqipërisë.



Neni 4

Forma

Shoqëria "ICA Studio" Sh.p.k. është "Shoqëri me Përgjegjësi të kufizuar" Sh.p.k.

Neni 5

Selia

- 1. Selia e Shoqërisë ndodhet në Rruga "Bulevardi Zogu I Parë", Hyrja 2, Ap. 52 , Tiranë**
2. Shoqëria ka të drejtë të hapi filiale të tjera brenda territorit të Republikës së Shqipërisë në varësi të selisë Qëndrore që ndodhet në qytetin e Tiranës.
3. Vendi i mbajtjes së mbledhjeve të Asamblesë së Përgjithshme është selia e shoqërisë. Nëse bihet dakord me unanimitet mbledhjet e Asamblesë mund të kryhen në një vend tjetër.

Neni 6

Objekti i veprimtarisë së Shoqërisë

Objekti i veprimtarisë së Shoqërisë do të jetë:

Projektme Arkitektonike Interiori dhe Exteriori. Arredime ambjente të brendshme. Konsulenca në fushën e Arkitekturës. Punime mobilimi, puneme fasae, punime bojatise, punime gipsi, punime elektrike, punime hidraulike, punime prishje dhe shembje, punime suvatimi, punime pllaka dhe veshje.

Neni 7

Vula e shoqërisë

1. Shoqëria ka vulën e saj, në brendësi të së cilës shkruhet i plotë emërtimi i shoqërisë dhe forma e saj juridike.
2. Të gjitha aktet që dalin nga shoqëria, pasi nënshkruhen sipas ligjit, vulosen me vulën e shoqërisë.

Neni 8

Kohëzgjatja e shoqërisë

Kohëzgjatja e shoqërisë do të jetë e pakufizuar dhe fillon nga momenti i regjistrimit të saj në Qendrën Kombëtare të Regjistrimit me përjashtim të rasteve kur mbaron sipas parashikimeve në ligj ose kur vendos Asambleja e Përgjithshme.



Neni 9

Veprimet e lejuara të shoqërisë

Shoqëria mund të ndryshojë emërtimin, selinë, kohëzgjatjen dhe objektin e veprimtarisë së saj sipas vendimeve që do të marrë Asambleja e Përgjithshme me shumicën e ortakëve që përfaqësojnë të paktën $\frac{3}{4}$ e pjesëve të kapitalit.

Neni 10

Marrëdhëniet e punës

1. Shoqëria për të kryer veprimtarinë e saj sipas objektit të këtij statuti do të lidhe kontrata individuale për të rregulluar marrëdhëniet e punës.
2. Kontratat e punës do të lidhen konform ligjt "Kodi i Punës së Republikës së Shqipërisë" dhe dispozitave të tjera ligjore që rregullojnë marrëdhëniet e punës në Republikën e Shqipërisë.

KREU III

PARIMI I DETYRIMIT TE BESNIKERISE

Neni 11

Ndalimi, konflikti i interesit dhe personat e lidhur

1. Personi i autorizuar për të përfaqësuar ose mbikqyrur shoqerinë tregtare nuk mund të lidhë kontrata apo të hyjë në marrëdhënie të tjera me shoqerinë tregtare, nëse nuk deklarohen kushtet e veprimit, si dhe natyrën e objektit e interesit të tij e veprimi nuk autorizohet paraprakisht prej të gjithë ortakeve ose të gjithë ortakëve të tjere.
2. Cdo miratim paraprak dhe i përgjithshëm njoftohet për regjistrim në Qendrën Kombëtare të Regjistrimit.
3. Miratimi i parashikuar jepet, gjithashtu, për çdo kontratë apo marrëdhënie tjetër, që shoqëria lidh me një palë të tretë, e cila ka marrëdhënie personale apo financiare me personat e autorizuar për të përfaqësuar ose për të mbikëqyrur shoqerinë, apo me palë të treta, marrëdhëniet e të cilave me personat e mësipërm janë të tillë që, në mënyrë të arsyeshme, mund të ndikojnë vendimmarrjen e tyre në kundërshtim me interesat e shoqërisë. Personat në vijim prezumohen të kenë një apo më shumë nga interesat e mësipërm me personat e autorizuar për të përfaqësuar ose për të mbikëqyrur shoqerinë:
 - a) bashkëshorti/bashkëshortja, prindërit, vëllezërit ose motrat e bashkëshortit/bashkëshortes;
 - b) fëmijët, prindërit, vëllezërit, motrat, fëmijët e fëmijëve ose bashkëshorti/bashkëshortja e personave të mësipërm;
 - c) personat e lidhur me personin e autorizuar për të përfaqësuar ose për të mbikëqyrur shoqerinë. Persona të lidhur janë: të paralindurit apo të paslindurit, të afërmit në vijë



3

të tërthortë të shkallës së dytë, birësuesi ose i birësuari, i afërm i shkallës së parë i bashkëshortit/bashkëshortes;

- d) një person, që banon me personin e autorizuar për të përfaqësuar ose për të mbikëqyrur shoqërinë.
4. Personat, të cilët kërkojnë miratim për një transaksion, sipas pikave 2 e 3 të këtij neni, nuk mund të marrin pjesë në votimin për miratimin e veprimit e nuk llogariten në kuorum.
 5. Çdo veprim që kërkon miratim, sipas pikave 2 dhe 3 të këtij neni, publikohet në pasqyrat financiare dhe raportet e ecurisë së veprimtarisë, së bashku me kushtet e veprimit, si dhe natyrën e objektin e interesit të personave të përfshirë.
 6. Për efekt të këtij statuti, me persona të autorizuar për të përfaqësuar ose mbikëqyrur shoqërinë tregtare do të kuptojmë ortakët e shoqërise, administratorin, ekspertin kontabël të autorizuar dhe likuiduesin e shoqërisë.

Neni 12 **Parimi i besnikërisë**

1. Gjatë ushtrimit të të drejtave, ortakët veprojnë, duke marrë parasysh interesat e shoqërisë dhe të ortakëve të tjera. I njëjti detyrim zbatohet edhe për administratorët.
2. Me përjashtim të rasteve kur parashikohet ndryshe ne ligj ose nga ky statut, në rrethana të njëjta, ortakët gjëzojnë të njëjtat të drejta, kanë të njëjtat detyrime e trajtohen në mënyrë të barabartë.

Neni 13 **Ndalimi i konkurrencës**

1. Personat e autorizuar për të përfaqësuar ose mbikëqyrur shoqërinë tregtare nuk mund të mbajnë një pozicion drejtues apo të jenë te punësuar në shoqëri të tjera, që ushtrojnë veprimitari në të njëjtin sektor ekonomik me shoqërinë e parë. Gjithashtu, këta persona nuk mund të mbajnë statusin e tregtarit për të ushtruar veprimitari në këtë sektor.
2. Ndalimi i përmendur në pikën 1 të këtij neni të shfuqizohet nëpërmjet një autorizimi të posaçëm, të dhënë nga ortakët nga asambleja e përgjithshme me shumice te kualifikuar.
3. Ndalimi i përmendur në pikën 1 të këtij neni, të mbetet në fuqi edhe pas humbjes së cilësive apo statusit të përmendur në të, për një periudhë një vit pas humbjes së kësaj cilësie.
4. Nëse ndonjëri prej personave të përmendur në pikën 1 të këtij neni shkel ndalimin e konkurrencës, shoqëria mund:
 - a) ta përjashtoje atë nga shoqëria apo ta shkarkoje nga detyra;
 - b) të kërkojë ndërprerjen e veprimitarisë konkurruuese;
 - c) të ngrejë padi për shpërblimin e dëmit.
5. Shoqëria, si alternativë të ngritjes së padisë për shpërblimin e dëmit, mund t'i kërkojë secilit prej personave të përmendur në pikën 1 të këtij neni:



A handwritten signature in blue ink, appearing to be a name starting with 'Hec' followed by 'M', is placed here. A small number '4' is written to the right of the signature.

- a) të pranojë se transaksionet e kryera për llogari të tij të kalohen për llogari të shoqërisë;
 - b) t'i transferojë shoqërisë të gjitha përfitimet që ka marrë nga kryerja e veprimeve për llogari të personave të tretë;
 - c) t'i transferojë shoqërisë të gjitha të drejtat e kreditë, që kanë rrjedhur nga kryerja e veprimeve për llogari të personave të tretë.
6. Padia për ushtrimin e të drejtave të shoqërisë ngrihet brenda 3 viteve nga data e kryerjes së shkeljes. Për ngritjen e padisë ndaj personave të sipërpërmendur zbatohen, gjithashtu, dispozitat e pikës 3 të nenit 10 të ligjit “Per tregtaret dhe shoqerite tregtare”.

KREU IV

KAPITALI THEMELTAR - PJESEMARRJA

Neni 14

Kapitali i shoqërisë dhe kuotat

- 1. Kapitali i shoqërise ka vlerën 100 000 lekë i cili përbëhet nga 1 kuotë.**
2. Kapitali i shoqërisë mund të zmadhohet, me vendim të Asamblesë së Përgjithshme. Në rast zmadhimi te kapitalit nëpërmjet shtimit te kuotave te reja, ortakët kanë te drejtën e përparësise në nënshkrim, proporcionalisht me shumën e kuotave të tyre, e drejtë nga e cila ata mund të heqin dorë.
3. Kapitali i shoqërisë, mund të zvogëlohet me vendim të Asamblesë së Përgjithshme. Zvogëlimi i kapitalit i prek të gjithë ortakët në të njejtën masë ndaj kuotave të kapitalit që ata përfaqësojnë. Kapitali nuk mund të zvogëlohet nën kufirin minimal që lejon ligji “Për tregtarët dhe shoqëritë tregtare”.

Neni 15

Kontributet

Kapitali i shoqërisë, zotërohet nga ortaku I vetëm i shoqërisë, si vijon:

1. Ortaku **Ideal Çela** zotëron 100 % të vlerës së kapitalit, të përbërë nga 1 kuotë, me vlerë prej 100 000 lekë;

Vlera e kapitalit themeltar të shoqërisë është shlyer plotësisht me kontributin e ortakut të vetëm si më sipër.



5

Neni 16

Kalimi i kuotave te kapitalit

1. Kuotat e kapitalit te shoqerise jane te kalueshme ndërmjet ortakëve dhe te kalueshme ne rruge trashegimie. Trashëgimtari, paraardhësi ose pasardhësi, bëhen ortakë, nëpërmjet kalimit te kuotave te kapitalit.
2. Kuotat e kapitalit te shoqërisë mund tu kalohen personave te tretë që nuk bëjnë pjesë në shoqëri, me vendim te marrë me shumicën e ortakëve që përfaqësojnë te paktën ¾ e pjesëve te kapitalit.
3. Në rast kur njëri apo disa nga ortakët dëshirojnë te kalojnë pjesërisht apo plotësisht, kuotat që ata zotërojnë në kapitalin e shoqerise tek te tretët, më parë duhet që oferta për shitje tu bëhet ortakëve te tjerë te shoqërisë. Kur ortakët që gjëzojnë te drejtët e parablerjes kanë dyshime rreth çmimit te kuotave te ortakut që kërkon ti kalojë ato, mund ti drejtohen gjykatës që te caktojë një ekspert vlerësues. Ortaku që kërkon kalimin e kuotave tek te tretët duhet te lajmërohet në një afat sa më te shpejtë, nëse brenda 4 javëve ortakut nuk i jepet një pergjigje atehere prezumohet se ortaket e tjere kane rene dakord që kuotat e tij mund ti kalohen te treteve.
4. Kalimi i kuotave do te behet me kontrate.
5. Kuotat mund te pjesëtohen për shkak te kalimit te tyre.

Neni 17

1. Ortakët mbulojnë personalisht humbjet e shoqërisë deri në pjesën e pashlyer te kontributeve te nënshkruara.
2. Kontributet e ortakëve përbëjnë kapitalin e regjistruar te shoqërisë me përgjegjësi te kufizuar.

KREU V

ORGANET E SHOQERISE, KUORUMI DHE ZGJEDHJA E TYRE

Neni 18

Asambleja e përgjithshme

1. Çdo ortak ka te drejtë te marrë pjesë në mbledhjet dhe vendimet e asamblesë se Pergjithshme, dhe ka te drejtë e votës në përpjestim me vlerën nominale te kuotës se tij në kapitalin që ai zotëron.
2. Ortaku mund te përfaqësohet në asamblenë e përgjithshme, në bazë te një autorizimi nga bashkëshorti ose një person tjeter i zgjedhur prej tij, me kusht që këta tejenë autorizuar me prokurë (perjashtohet perfaqësimi i një ortaku nga një ortak tjeter apo administratori i shoqerise).
3. Administratorët e shoqërisë nuk mund te veprojnë si përfaqësues te ortakëve në asamblenë e përgjithshme.



6

4. Autorizimi mund të jezet vetëm për një mbledhje të Asamblesë së Përgjithshme, e cila përfshin edhe mbledhjet vijuese me të njëjtin rend dite.
5. Asambleja e Përgjithshme thirret nga administratorët, ekspertet kontabel të autorizuar, po qe se ka të tille, nga likuiduesit apo ortakët, të cilët përfaqësojnë të paktën 5 për qind të totalit të votave në asamblenë e përgjithshme të shoqërisë. Keta ortake mund t'i drejtojnë administratorëve një kërkesë me shkrim, përfshirë postën elektronike, për të thirrur asamblenë e përgjithshme dhe/ose përfshirjen e çështjeve të posaçme në rendin e ditës. Kërkesa duhet të përmbajë arsyet, objektivat dhe çështjet, për të cilat asambleja duhet të marrë një vendim. Nëse kërkesa refuzohet, këta ortakë kanë të drejtë ta thërrasin asamblenë dhe të çaktojnë çështjet e rendit të ditës. Njoftimi do të bëhet me shkresë, ose nëpërmjet postës elektronike.
6. Njoftimi me shkresë apo me mesazh elektronik duhet të përmbajë vendin, datën, orën e mbledhjes dhe rendin e ditës e t'u dërgohet të gjithë ortakëve, jo më vonë se 7 ditë përpara datës së parashikuar për mbledhjen e asamblesë.
7. Nese në kundërshtim me pikën 5 të këtij neni, asambleja e përgjithshme nuk thirret, ose çështja e kérkuar prej këtyre nuk futet në rendin e ditës, secili prej ortakëve, që kanë bërë kérkesën, ka të drejtë te procedoje sipas ligjit ne fuqi "Per Tregtaret dhe Shoqerite Tregtare":
8. Lajmërimi për mbledhjen e asamblesë së përgjithshme rregullisht bëhet nga administratorët.
9. Asambleja e Pergjithshme merr vendime për çështjet e mëposhtme dhe është përgjegjëse për to:
 - a) Përcaktimin e politikave tregtare të shoqërisë; ndryshimet e statutit;
 - b) Emërimin dhe shkarkimin e administratorëve te shoqerise;
 - c) Emërimin e shkarkimin i likuiduesve dhe të ekspertëve kontabël të autorizuar;
 - d) Përcaktimin e shpërblimeve për administratorët, likuiduesit dhe të ekspertëve kontabël te autorizuar;
 - e) Mbikëqyrjen e zbatimit të politikave tregtare nga administratorët, përfshirë përgatitjen e pasqyrave financiare vjetore dhe të raporteve të ecurisë se veprimtarisë;
 - f) Miratimin e pasqyrave financiare vjetore dhe të raporteve të ecurisë së veprimtarisë. (pas marrjes dhe shqyrtimit te dokumentacionit perkates);
 - g) Zmadhimin dhe zvogëlimin e kapitalit (pas marrjes dhe shqyrtimit te dokumentacionit perkates);
 - h) Pjesëtimin e kuotave dhe anulimin e tyre;
 - i) Përfaqësimin e shoqërisë në gjykatë e në procedimet e tjera ndaj administratorëve;
 - j) Riorganizimin dhe prishjen e shoqërisë;
 - k) Miratimin e rregullave procedurale të mbledhjeve të asamblesë;
 - l) Cështje të tjera të parashikuara nga ligji.

- 10.**Të gjitha vendimet e marra nga Asambleja e Pergjithshme regjistrohen në një regjistër të vendimeve, të dhënat e të cilit nuk mund të ndryshohen ose të fshihen.
- 11.**Duhen regjistruar në veçanti, por pa u kufizuar në to, vendimet për:
 - a)** Miratimin e pasqyrave financiare vjetore dhe të raporteve të ecurisë së veprimtarisë;
 - b)** Shpërndarjen e fitimeve vjetore dhe mbulimin e humbjeve;
 - c)** Investime;
 - d)** Vendimet për riorganizimin dhe prishjen e shoqërisë.
- 12.**Vendimet e parregjistruara në regjistrin e vendimeve janë absolutisht të pavlefshme.
- 13.**Sipas rëndësisë së vendimeve, mbledhja e asamblesë se per gjithshme mund të jetë e zakonshme ose e jashtëzakonshme.
- 14.**Asambleja përgjithshme vendos me shumicë të zakonshme për çështje të tilla si emërimi ose shkarkimi i administratorëve, ekspertëve kontabel të autorizuar dhe likuiduesve, miratimi i raporteve të administrimit dhe të kontrollit, miratimi i pasqyrave financiare vjetore. Asambleja mund të marrë vendime të vlefshme vetëm nëse marrin pjesë ortakët me të drejtë vote, që zoterojnë më shumë se 50% te kuotave dhe vendimet merren me më shumë se gjysmën e votave të ortakëve pjesëmarrës.
- 15.**Asambleja e per gjithshme vendos me shumice të kualifikuar për çështje të tilla si ndryshimet e statutit, zvogëlimi dhe zmadhimi i kapitalit themeltar, kalimi tek të tretët, zgjatja e kohës së veprimtarisë së shoqërisë apo likuidimi i saj, shndërimi i shoqërise me përgjegjësi të kufizuar në shoqëri të formave të tjera, ndarja e fitimeve si dhe çdo çështje tjetër që parashikohet në ligj. Marrja e vendimeve te vlefshme behet vetem nëse ortakët që zoterojne me shume se 70% e kuotave jane te pranishem, votojne me shkresë apo mjete elektronike. Në këtë rast vendimet merren me $\frac{3}{4}$ e votave të ortakëve pjesëmarrës.
- 16.**Nëse asambleja e përgjithshme nuk mund të mblidhet për shkak të mungesës së kuorumi të përmendor në kete pikë, të këtij nenit, asambleja mblidhet përsëri jo më vonë se 30 ditë, me të njëtin rend dite.

Neni 19

Administrimi

- 1.** Shoqëria administrohet nga një ose me shume administratorë të cilët janë persona fizike të zgjedhur brenda bashkësisë së ortakëve apo dhe jashtë saj.
- 2.** Asambleja e Përgjithshme emëron një ose më shumë persona fizikë si administratorë të shoqërisë. Afati i emërimit, eshte 5 vjet, me të drejtë ripërtëritjeje, me përjashtim të rastit të dorëheqjes ose të shkarkimit të parakohshëm para mbarimit të afatit. Shkarkimi i administratorëve nga organi kompetent mund të bëhet në cdo kohë.
- 3.** Emërimi i administratorëve prodhon efekte pas regjistrimit në Qendrën Kombëtare të Regjistrimit.
- 4.** Administratorët emërohen dhe shkarkohen me vendim të asamblese se per gjithshme sipas parashikimit ne kete statut.



Neni 20
Kompetencat e administratoreve

1. Administratorët kanë të drejtë e detyrohen të:
 - a) kryejnë të gjitha veprimet e administrimit të veprimtarisë tregtare të shoqërisë, duke zbatuar politikat tregtare, të vendosura nga asambleja e përgjithshme;
 - b) përfaqësojnë shoqërinë tregtare;
 - c) kujdesen për mbajtjen e saktë e të rregullt të dokumenteve dhe të librave kontabël të shoqërisë;
 - d) përgatisin dhe nënshkruajnë bilancin vjetor, bilancin e konsoliduar dhe reportin e urisë së veprimtarisë dhe, së bashku me propozimet për shpërndarjen e fitimeve, i paraqesin këto dokumente përpara asamblesë së përgjithshme për miratim;
 - e) krijojnë një sistem paralajmërimi në kohën e duhur për rrethanat, që kërcënojnë mbarëvajtjen e veprimtarisë dhe ekzistencën e shoqërisë;
 - f) kryejnë regjistrimet dhe dërgojnë të dhënat e detyrueshme të shoqërisë, siç parashikohet në ligjin për Qendrën Kombëtare të Regjistrimit;
 - g) raportojnë përpara asamblesë së përgjithshme në lidhje me zbatimin e politikave tregtare dhe me realizimin e veprimeve të posaçme me rëndësi të veçantë për veprimtarinë e shoqërisë tregtare;
 - h) kryejnë detyra të tjera të përcaktuara në ligj dhe në statut.
2. Administratorët janë të detyruar të thërrasin asamblenë e përgjithshme persa parashikon ky statut ose ligji.
3. Asambleja e përgjithshme mund të shkarkojë administratorin në çdo kohë me shumicë të zakonshme.


Neni 21
Emerimi i pare i administratoreve

Administrator i shoqërisë për periudhën 5-vjeçare emërohet ortaku **IDEAL ÇELA**

KREU VI
VOTA

Neni 23
E drejta e votes

Çdo ortak ka të drejta vote në përpjestim me vlerën nominale të kuotës së tij.



A handwritten signature in blue ink, appearing to read "IDEAL ÇELA". To the right of the signature is the number "9".

Neni 24
E drejta për të kaluar rezolute

Asambleja e përgjithshme mund të miratojë rezolute pa plotësuar kriteret e njoftimit në këtë statut apo në ligj. Që të miratohet një rezolutë në mbledhjen e asamblesë së përgjithshme duhet të jenë të pranishëm të gjithë ortakët personalisht dhe ta votojnë atë në menyrë të unifikuar.

KREU VII
MARREDHENIET FINANCIARE

Neni 25
Viti finanziar

Çdo vit finanziar fillon nga 1 Janar dhe përfundon më 31 Dhjetor.

Neni 26
Bilanci vjetor

1. Bilanci vjetor, inventari, raportet mbi operacionet e vitit finanziar dhe raportet e vecanta të hartuara nga administratorët dhe eventualisht nga eksperti kontabël i autorizuar, miratohen nga asambleja e përgjithshme e zakonshme.
2. Miratimi i dokumentave mbi veprimtarine vjetore bëhet brenda një afati prej tre muajsh nga data e mbylljes së vitit finanziar.
3. Gjuha që përdoret në hartimin e dokumentave vjetore është gjuha shqipe.

Neni 27
Dividentet

Pas miratimit të llogarive vjetore dhe evidentimit të ekzistencës së fitimeve, asambleja e përgjithshme përcakton pjesën që u takon ortakëve në formën e dividenteve mbi fitimin ne raport me kuotat qe gjithsecili ka në shoqëri. Fitimi që do të ndahet ndërmjet ortakëve në raport me kuotat, përbëhet nga fitimi i vitit finanziar të cilit i janë zbritur ose i janë shtuar respektivisht humbjet apo fitimet e mbartura nga vitet e mëparshme.

Neni 28
Marrëdhëni me bankat dhe institutet financiare

Shoqëria ka të drejtë të hap llogari likuiduese pranë një ose më shumë bankave ose institucioneve financiare dhe të mund të kryejë veprime likuiduese pranë bankave. Në keto banka ose institute financiare si nënshkrim i parë do të depozitohet ai i administratorit të shoqërisë, i cili duhet të nënshkruaj për të gjitha veprimet financiare në emër e për llogari të shoqërisë. Ai mund të autorizojë edhe persona të tjerë brenda shoqërisë.



10

Neni 29
Marrëdhënia me organet tatimore

Veprimtaria ekonomike e shoqërisë mbaron me 31 dhjetor të çdo viti. Administratori ose personat e caktuar prej tij janë të detyruar të paraqesin bilancin vjetor dhe deklarimin e te ardhurave, dhe ti depozitojne ato prane organit perkatesë të tatimeve.

KREU VIII
NDRYSHIMI I STATUSIT TE SHOQERISE

Neni 30
Prishja e shoqërisë

1. Shoqëria prishet me përfundimin e afatit të përcaktuar, kur kjo vendoset nga ortakët si dhe kur janë arsyet e parashikuara në ligj.
2. Shoqëria nuk prishet kur njëri prej ortakëve falimenton, bëhet i paaftë ose vdes, por vazhdon aktivitetin me ortakët e tjerë që kanë mbetur si dhe me trashëgimtarët e radhes së parë të ortakut që vdes.

Neni 31
Likuidimi

1. Shoqëria hyn në procesin e likuidimit që në momentin e prishjes së saj. Për kryerjen e këtij procesi asambleja emëron një likuidues, i cili i paraqet asaj raportin e likuidimit dhe afatin e nevojshëm të përfundimit të tij.
2. Në fund të procesit të likuidimit asambleja vendos me vendimin e ortakëve që zoterojnë të paktën $\frac{3}{4}$ e kuotave te kapitalit mbi bilancin përfundimtar e financier, mbi aktin e rregullshmërisë së punës së likuiduesit dhe përmbylljen e procesit të likuidimit.
3. Pas pagimit të kreditorëve dhe shlyerjes së kuotave te kapitalit tek kontribuesit përkatesë, likuiduesi ndan kapitalet e mbeturat ndërmjet ortakëve proporcionalisht me pjesët që ato zoterojnë në kapitalin themeltar.

Neni 32
Shndërrimi i shoqërisë

Shndërimi i shoqërisë me përgjegjësi të kufizuar në lloj tjetër shoqërie mund të kryhet vetëm me miratimin unanim të ortakëve.



11

KREU IX
DISPOZITA TE TJERA

Neni 33
Mosmarrëveshjet

Të gjitha mosmarëveshjet që mund të lindin gjatë ekzistencës së shoqërisë ose gjatë periudhës së likujdimit midis ortakëve, ndërmjet Shoqërisë dhe ortakëve, do t'i paraqiten për zgjidhje Gjykatës së Rrethit Gjyqesor Tiranë.

Neni 34

Për çështje që nuk janë parashikuar në këtë statut do të zbatohen dispozitat përkatëse të legjislacionit shqiptar në fuqi "Per Tregtarët dhe Shoqëritë Tregtare".

Ky statut nënshkruhet nga themeluesi.

THEMELUESIT E SHOQËRISË

IDEAL ÇELA

Ideal Gelo

